

Vule Trivunović: U Banjoj Luci su tražili da se izvinjavam što sam igrao za reprezentaciju BiH

13/08/2013 13:50 by Administrator

Vule Trivunović bio je i ostao ljubimac navijača tima s Koševa, tako da su se njegovom povratku obradovali svi istinski fanovi bordo tima. Provjereni i pouzdani stoper ne krije sreću i zadovoljstvo što će ponovo igrati u dresu u kojem je nastupao u sezoni 2005/2006.

Trenerska karijera

- Lijepo je ponovo biti na Koševu. Uvijek sam govorio da u BiH mogu igrati samo u Borcu i u Sarajevu. To su dva kluba u našoj zemlji koja volim. Oni su mi mnogo dali u karijeri. Imao sam želju završiti karijeru u Borcu, da bih bio bliže svojoj porodici, ali to nije odgovaralo pojedinim ljudima u klubu koji su došli. Bio je to gorak osjećaj, jer nije bio upitan novac. Nažalost, došlo je vrijeme da ne možemo iskreno voljeti klubove i da se ne možemo maksimalno davati i otkrivati poštovanje - kaže Trivunović.

Ljudi u Sarajevu mnogo su ga ljepše primili nego u Borcu i, kako nam otkriva, na svakom koraku mu zahvaljuju što se ponovo vratio na Koševo.

- To je prelijep osjećaj. Kada ti skandiraju navijači i traže da budeš kapiten... Taj ljudski odnos prema meni kada sam došao na Koševo mi je važniji od novca, kula i gradova. Zbog toga svega sam još sretniji što ću u bordo dresu okupiti kopačke o klin. Želim da priliku dobiju mladi, a ne da uzimam mjesto nekom mladiću. Moj plan je da se posvetim trenerskoj karijeri. Da steknem profi-licencu i prenosim znanje na druge - kaže Vule koji je svojevremeno bio i kapiten mlade reprezentacije BiH.

U nogometnoj karijeri igrao je i u Srbiji, Rusiji, Poljskoj i Kazahstanu.

Najljepši grad

- Svugdje mi je bilo lijepo igrati i živjeti, ali tri godine u Moskvi su nešto što do kraja života pamtit. To je možda i najljepši grad na svijetu - isti Trivunović.

Najteže trenutke u karijeri proživljavao je nakon što je s Vladanom Grujićem 2003. godine odlučio igrati za mladu reprezentaciju BiH.

- Ne mogu opisati kakve smo neprijatnosti trpjeli po povratku u Banju Luku. Ljudi su nosili papir da se potpišem, da se izvinjavam što sam igrao za reprezentaciju BiH i da se to objavi u novinama. Još je gore bilo na stadionu. Ni najgorim neprijateljima ne bih poželio da im se desi nešto tako. Sve je ipak bilo lakše uz kolege iz reprezentacije Albina Pelaka, Damira Mirvića, Muhameda Alaima, Dragana Blatnjaka - kaže stoper Sarajeva.

Već je tri godine u braku sa suprugom Danijelom s kojom ima i sina Jovana.

- Oni su moja ljubav i sreća. Najveća inspiracija u životu. Mnogo mi nedostaju u Sarajevu, ali često dolaze u Aheher, a i ja slobodne dane koristim da odem Banju Luku - kaže Vule.

BiH ide u Brazil

BLUSRCU.BA - Stranica za sve banjalucane sirom svijeta!

<http://blusrcu.ba>

Trivunović s posebnom pažnjom prati utakmice nogometne reprezentacije BiH i raduje se svakom novom uspjehu.

- Svi vjerujemo da će BiH igrati na SP-u u Brazilu. To bi mnogo značilo za napredak fudbala u BiH, izgradnju novih stadiona i još bolji rad na stvaranju igrača. Sigurno da ćemo na taj način lakše dobiti prave nasljednike Emira Spahića, Edina Džekiće, Vedada Ibajićevića. Posebno mi je drago da za reprezentaciju igra i moj Banjalučanin Ognjen Vranjević i nadam se da će se brzo oporaviti i igrati s ostalim "Zmajevima" - kao igrači Sarajeva.

Izvor vijesti: Dnevni Avaz